

Broj: 12-40-6-148-120 / 20
Sarajevo, 10.4.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), te člana 18. Poslovnika o radu Federalnog štaba civilne zaštite br. 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

N A R E D B U

1. Svim licima koja ulaze u Bosnu i Hercegovinu na granične prelaze iz tačke 2. uvodi se obavezna mjera karantina po rješenju Federalnog ministra zdravstva.
2. Naređuje se Federalnoj upravi civilne zaštite da osigura šatorski prostor za boravak lica na graničnim prijelazima: Međunarodni aerodrom Sarajevo, Orašje, Velika Kladaša/Maljevac, Bosanski Šamac, Kamensko, Gorica, Bosansko Grahovo/Strmica, Doljani, Osoje, Čepikuće, Neum I, Neum II i Ivanica. Na graničnim prijelazima Izačić i Bijača koristiće se ranije uspostavljeni šatorski prostor od strane Oružanih snaga Bosne i Hercegovine.
3. Naređuje se kantonalnim štabovima civilne zaštite da pod pratnjom policijskih službenika osiguraju transport lica iz tačke 1. sa graničnog prelaza do mjesta određenog u rješenju za karantin.
4. Naređuje se kantonalnim ministarstvima unutrašnjih poslova i kantonalnim upravama policije da osiguraju stalno prisustvo policijskih službenika na prostorima iz tačke 2.
5. Naređuje se Federalnoj upravi za inspeksijske poslove da upućuje lica u prekograničnom prometu putnika u šatorski prostor iz tačke 2. ove Naredbe te da zadrži putne isprave do izdavanje rješenja iz tačke 1. i njihovog preuzimanja od nadležnog štaba civilne zaštite.
6. Od primjene ove Naredbe izuzimaju se vozači, mašinovođe, piloti i kabinsko osoblje u međunarodnom prometu i lica u pograničnom i prekograničnom kretanju.

7. Za provođenje ove naredbe zadužuju se Federalna uprava civilne zaštite, Federalna uprava za inspekcijske poslove, Federalna uprava policije, Federalno ministarstvo zdravstva, kantonalna ministarstva zdravstva, kantonalna ministarstva unutrašnjih poslova i uprave policija, kantonalni zavodi za javno zdravstvo i kantonalni štabovi civilne zaštite.
8. Ova naredba stupa na snagu danom donošenja, stupanjem na snagu ove naredbe prestaje da važi Naredba broj: 12-40-6-148-102/20 od 06.04.2020 godine.



DOSTAVITI:

- Federalna uprava civilne zaštite,
- Federalna uprava za inspekcijske poslove,
- Vlada Federacije BiH,
- Federalno ministarstvo zdravstva,
- Kantonalna ministarstva zdravstva,
- Kantonalna ministarstva unutrašnjih poslova i uprave policije,
- Kantonalni štabovi civilne zaštite,
- Općinski/gradski štabovi civilne zaštite,
- Koordinaciono tijelo BiH za zaštitu i spašavanje,
- a/a